

# საქართველო

ეროვნული თავისუფლების ბრძოლა — პიროვნული თავისუფლებისათვის  
პიროვნული თავისუფლების ბრძოლა — ეროვნული თავისუფლებისათვის

ეროვნული  
გაზეთი

საპარტვიზოს სახალხო ფრონტი  
ყოველკვირეული საზოგადოებრივ-პოლიტიკური გაზეთი  
გამოცემის პარასკეობით

№ 7 (63)

21 თებერვალი, პარასკეობი, 1992 წ.

## „რუსეთის სამხრეთი საზღვრის დასაცავად“ მოსალისებად გაემ.

ნოდარ ნათაძე

ისინი მოქალაქეთა ფანტაზიის ნაყოფი არ გახლავთ. მათი არსებობა და უახლოეს ხანში „სამხრეთ ოსეთში“ ჩასვლა მოსკოვურმა ტელევიზიამ გვამცნო და, მგონი, პრესამაც. დაზუსტებას მნიშვნელობა აღარა აქვს, ვინაიდან მათი ცხინვალში ყოფნა დადასტურა პოლკოვნიკმა კოჩერგინმა, ცხინვალში მდგარი საბჭოთა კავშირის (ამჟამად კი „სნგ“-ს) შინაგან საქმეთა სამინისტროს შინაგანი ჯარების ბატალიონის ახალმა მეთაურმა. მისი სიტყვით, ისინი არიან თერთმეტი, უიარაღონი და შეუუღ-

მფრენი გადმოყვანილნი არიან ჩრდილოეთიდან ამ ერთი-ორი დღის წინ. არიან პარტიული მოღვაწენი, რა თქმა უნდა — ყველაზე შავრაზმული პარტიების წარმომადგენელნი, ძირითადად ინტელიგენტები, ერთი-ორი განათლებული მუშაკი ურევიათ. მიზნად აქვთ, ბატონ პოლკოვნიკის სიტყვით, თავისი თავისა და თავისი პარტიების რეკლამირება, რასაც, ისევ ბატონ პოლკოვნიკის სიტყვით, მიიღწიეს კიდევ ზემოხსენებული განცხადებების შედეგად. თავის შენაერთს ეს იამიანები უწოდებენ „რუსე-

თის ეროვნულ ლეგიონს“ და მკლავზე, შესაბამისად, სამი ასო (PHJ) აქვთ გამოსახული.

საყურადღებოა, რომ რეკლამის საუკეთესო საშუალებად თავის ქვეყანაში ამ პიროვნებებმა ჩათვალეს საქართველოში „რუსეთის სამხრეთ საზღვართა დაცვის“ მისიის აღება თავის თავზე. ეს ნათლად მეტყველებს მათ თანამემამულეთა განწყობილებაზე, ისევე, როგორც წარწერა „PCΦCP“, რომელიც ცხინვალის კილომეტრით ნახევარი კილომეტრით სამხრეთისკენ არის აღმართული ზემოხსენებული ბატალიონის საგულშაფოს ტერიტორიაზე.

მკითხველს ვთხოვ იმსჯელოს: ჩათვლება თუ არა საქართველოს ხელისუფლად ის, ვინც არ მოსთხოვს სათანადო ნოტიო რუსეთის მთავრობას, რომ თავისი შინაგანი ჯარი გაიყვანოს სხვის (კერძოდ, საქართველოს) მთელი მიწა-წყლიდან? გამსახურდიას ადმინისტრაციამ ეს არ გააკეთა. დღევანდელ ხელისუფლებას ამისათვის ვერ კიდევ დრო აქვს. ეს დრო არ უნდა გადავწყვი-

## დღეს ნოქარშია:

### საუინალი და მხარე აგებენ სამაჩაგლოდან

მე-2 გვ.

### აგებენ ბაქრაძე:

### ხელისუფლება კი არ არის საქართველოს პატრონი, არამედ ქართველი ხალხი!

მე-4, მე-5, მე-6 გვ.

რუსულან მიტაბერიძე:

### რაც უნდა გეგრი დაგიპრან ტაში...

მე-7, მე-8 გვ.

### სიტყვა ყოფილი ხელისუფლების ნარკომოგაღბანულთ

მე-3 გვ.

## „ჩემო ქვეყანავ, ჩემო სიხოსხლავ, არ გეკადრება, არ გეკადრება!...“

30 წელი ჩვენ აქ, რუსთაველის პროსპექტზე, უნივერსიტეტის წინ, ვაგზლის მოედანზე, გინა პრესაში, რადიოსა თუ ტელევიზიაში, სამთავრობო დარბაზებში თუ ცალკეულ პარტიათა კრებებზე ერთმანეთის დაჯამა- გადასანსვლაში ვართ,

ვიდრე ჩვენ აქ ერთერთის ნაკლის ქეჭვაში, ნიშნის მოგებასა თუ მუშტის მოღერებაში გართულნი ვკლავთ დროსა და პოლიტიკურ, ან თუ ამბიციურ ვნებათა დღევას, ვიდრე ჩვენ აქ „მაკაროვებსა“ და „კალაშნიკოვებს“ დავეძებთ, რათა შემდეგ ერთმანეთს ტყვიით შუბლები დაგუხეროთ —

ჩვენი საყვარელი სამშობლო ხელიდან გვეცლება.

სამაჩაბლოელი ქართველები კვლავ დაუცველი არიან: რუსნი და ოსნი კვლავ აწიოკებენ ჩვენს მიწა-წყალსა და ჩვენს და-ძმათ.

მატერიალურად, სულიერად, იქ უკიდურესად უჭირს ქართველ კაცს. უსასოოდ, უიმედოდ, ულუკმბუროდ დარჩენილმა ქართველმა დედაკაცებმა ლამის ყველაფერზე აიღონ ხელი, მერე გვიანდა იქნება თითზე კბენანი...

გამოფხიზლით ხალხს, მთავ-

რობაგერო და ბერო.

ჩვენ აქ ისე მწარედ ვერ ვგრძნობთ იმ დიდ ბალაშს, რაც სამაჩაბლოელი კაცის გულში ტრიალებს.

გამოვიღოთ ყურიდან ბამბა და ვიდრე ეს კუთხე მთლიანად არ დაგვიკარგავს, ვუშველოთ სამაჩაბლოს. ვუშველოთ სამაჩაბლოს ყველა საშუალებით...

მეორე გვერდზე წარმოდგენილი ტექსტის მთხრობლები იქაური, ყორნისის რაიონის მცხოვრებნი არიან.

მთხოვეს, ჩვენს გვარებს ნუ გაამხელთ, სიკვდილისა ჩვენ არ გვეშინია, მაგრამ ოსი „ბოვიკები“ მოხუც დედებს დაგვიხოცავენო.

მთხოვეს, გადაეცით ჩვენს ხელმძღვანელობას, ვიდრე თქვენ სტაბილიზაციისათვის გამიზნულ პოლიტიკურ საშუალებებს ეძებთ, აქ სათითაოდ გვიღებენ ბოლოს, დაამქარეთ ჩვენი შველაო.

ერთმა გაღიზიანებულმა, გაჭირვებულმა, სასოწარკვეთილმა ყორნისელმა მწარედ მომახალა: თქვენ აქ თბილ კაბინეტებში ზიხართ და მშვიდად ბჭობთ, ისე მშვიდად, თითქოს სამაჩაბლოს მხოლოდ ჩვენ ვკარგავდეთ და არა თქვენცო. ასეთ შემთხვევაზე თუ

სიტყვა ვაქა ფშაველამ —

ჩვენივის იკარგვის, თქვენივისაც რას დაგიღათ პირები?

ნუთუ კარგ მამა-პაპასა

არ ჰყვანდეს კარგი შვილები?

როგორ არ ხედავთ, გზა გეკვრისთ,

გარს შემოგერტყათ თხრილები?

თქვენ ჩაი-ჩუათ არ იკლებთ,

მალა გიჭირავთ ცხვირები.

არადა, რა შეგვიძლია, რა

გქნათ, როგორ მოვიქცეთ. ერთიც

ეს არის წყველა-კრულვიანი საკითხი.

„ჩვენ მივიღოთ ტაძრისკენ ორნი

ვიღაც მესამე ჩაღვა ჩვენს შორის“

და ატყდა ეს უბედურება, ბრძო-

ლა, სისხლისღვრა.

რაც უფრო ჩქარა მოგვარებს

იმ მესამის აქედან გასვლის პრობლე-

მას ჩვენი მთავრობა, მით უფრო მალე

დამუარდება მშვიდობა სამაჩაბლო-

ში. ეს იქნება დიდი გამარჯვებაცა და

მთავრობისადმი ხალხის ნდობის

სრული გარანტიც.

ახლა კი გაეცანით ჩვენი გაზე-

თის მეორე გვერდზე დასტამბულ

შეჭირვებულ ქართველთა მონათხ-

რობს.

ნოდარ თორელი

დღეს ჩვენ გვინდა ვისაუბროთ ფრონის ხეობაში შექმნილ ვითარებაზე, რომელიც სამაჩაბლოს სხვა კუთხეებთან შედარებით უფრო ნაკლებად იყო გამუქებული პრესასა და ტელევიზიაში. ცხინვალთან შედარებით კონფლიქტში მოგვიანებით ჩაერთო ყორნისის (ყოფილი ზნაურის) რაიონი. მართალია, იქ 1989-90 წლების ზამთარში ოსების მიერ მოწყობილ იქნა პიკეტები, სადაც აწარმოებდნენ ქართველების უკანონო ჩხრეკას ვითარება იარაღის ამოღების საბაბით, არ უშვებდნენ მათ ქართულ სოფლებში და სხვა. მაგრამ 1990 წლის ზაფხულში და შემოდგომამ შედარებით მშვიდად ჩაიარა. როგორც შემდგომში გაირკვა, მთელი ეს პერიოდი და წინა წლები ოსებმა იარაღის შექმნას მოანდომეს. ქართველებს კი აზრად არ მოსვლიათ ოსების წინააღმდეგ იარაღით მომზადებულიყვნენ. ეტყობა, სხვა ფაქტორებთან ერთად ქართველებზე იმ გარემოებაშიც იმოქმედა, რომ ტრადიციულად მათსა და ოსებს შორის დიდი ნათესაური კავშირია. ასე მაგალითად: შერეული ქორწინების შედეგად შექმნილი ოჯახების რაოდენობა 40%-ს აღწევს, ამიტომ ქართველებს ვერ წარმოედგინათ, რომ სიტუაცია ასე გამწვავდებოდა.

კონფლიქტის ახალი, უფრო მძაფრი ეტაპი დაიწყო 1991 წლის იანვრიდან, როცა შინაგან საქმეთა ზნაურის რაიგანყოფილებიდან, მისი უფროსის მოადგილის ჯიფის ხელშეწყობით, ოსებმა გაიტაცეს 17 საბრძოლო და 45 სასწავლო „კალაშნიკოვის“ ავტომატი, რამოდენიმე მუშანა, ტყვიამურქვევი და ტყვიაწამალი. ზემოაღნიშნული იარაღის ამოსაღებად და რაიონში წესრიგის აღსადგენად ზნაურში ორი ავტობუსით შევიდა ქართული მილიცია. არ აწყობდა რა ასეთი ვითარება, ოსების მხარე სთხოვა ადგილობრივ ქართველებს, რათა მათ უკან გაებრუნებინათ მილიცია, ვინაიდან ჩვენი მხრიდან არავითარი საშიშროება არ არსებობს და მილიციის აქ ყოფნა უფრო დაძაბავს სიტუაციას.

ქართველები მოტყუვდნენ, დასთანხმდნენ ამ წინადადებაზე და უკან გააბრუნეს მილიცია, რის შედეგადაც აბსოლუტურად დაუტყავი აღმოჩნდნენ კარგად შეიარაღებული ოსების პირისპირ. პრაქტიკულად ამის შემდეგ დაიწყო ქართველების მასიური რბევა-დაწიოკება. დარბევაში განსაკუთრებულ სისასტიკეს იჩენდნენ კვაისიდან, ჯავიდან, ცხინვალიდან და ორჯინიკიიდან ჩამოსული „ბოვეციკები“ უიარაღო ქართველობამ ვერ უძლო შეიარაღებული ძალების დაწიოკას და დაიწყო რეგონიდან მათი მასიური წასვლა. რამოდენიმეჯერ იყო ცდა მეზობელი ქართული სოფლების დახმარებით მათი უკან დაბრუნებისა, მაგრამ საქმეში ჩაერია რუსეთის ჯარის ნაწილები და ეს ცდა უშე-

დეგოდ დამთავრდა. დარბევა, ძალმომრეობა, მკვლელობა და ძარცვა-გლეჯა მთელი წლის მანძილზე გრძელდებოდა ფრონის ხეობაში. კონფლიქტის შედეგად რეგიონში დაღუპულია 21 ქართველი, მათ შორის 6 ადამიანი ცოცხლად დაწვეს. მრავალი ადამიანი დაიჭრა და დასახიჩრდა. რაიონის 15 ქართული სოფლიდან 13 სასტიკად იქნა დარბეული, რის გამოც ეს სოფლები დაცარიელდა. ლტოლვილთა რაოდენობა შეადგენს 3500 კაცს. ლიახვის ხეობაში ოსებმა დაწვეს 300-ზე მეტი ქართველის სახლი, ხოლო მრავალი სახლი გაძარცვეს, დაშალეს და მასალებად გაზიდეს. ოსებმა მთლიანად გაიტაცეს პირუტყვი, ფრინველი და სხვადასხვა საოჯახო ნივთები. გადაწვეს სკოლები და შეურაცხვეს ეკლესიები. ასეთ ვინაობაზე ოპერაციებში ოსების გარდა მონაწილეობდნენ რუსეთიდან ჩა-

ძარცვეს, განდევნეს ქართველები და თვითონ დაეპატრონენ მათ საცხოვრისს. ამჟამად სოფელი ოქონა, შეიძლება ითქვას, მიტოვებული ნასახლარებს წარმოადგენს... ამას წინათ, საქართველოს პრესა და ტელევიზია შეეცადა შემოებრუნებინა ქართული საზოგადოებრიობისათვის აზრი, თითქოსდა სამაჩაბლოში საბჭოთა ჯარის ნაწილები მხოლოდ და მხოლოდ ნეიტრალიტეტს იცავდნენ. ეს არის აბსოლუტური სიცრუე და არ შეეფერება სინამდვილეს. არსებობს უამრავი ფაქტი, რომელიც მიუთითებს იმაზე, რომ რუსის ჯარი სამაჩაბლოში მოქმედებდა და მოქმედებს ქართული მოსახლეობის წინააღმდეგ. ისინი უსიკრებლოდ დამსჯელ ოპერაციებსაც კი აწყობდნენ ქართველების დასამინებლად. 1991 წლის ზაფხულში ქარელის რაიონის სოფ. კოდაში

და ესწრებოდა ბატონი თენგიზ ეპიტაშვილიც. გორგოლავმა კოჭმანი დაიწყო, აშკარად აზვიადებდა პრობლემას. ბოლოს მინც შეგვიბრდა, რომ დაგვეხმარებოდა. შეხვედრა დავთქვით 3 დღის შემდეგ, სადაც იგი კონკრეტულ პასუხს გვეტყოდა ჩვენს თხოვნაზე. შეხვედრა მართლაც შედგა, მაგრამ პრობლემა არ გადაწყვეტილა. სარდალმა გაკვირვებით აიჩქრა მხრები-რა პრობლემა, რის პრობლემაო, გვიპასუხა. აშკარად ეტყობოდა, რომ საერთოდ არ უფიქრია ამ საკითხზე. შემდეგ ტყუილის მოგონება სცადა, „აი ეს ოსი პაპუასები“ წინააღმდეგი არიანო. მაშინ ჩვენ შევეხსენეთ, რომ თუ კი ისინი ჩამოსულები არიან მშვიდობის დასამყარებლად, მაშინ რატომ ეკითხებიან ოსებს და ითვალისწინებენ მათ სურვილს და არა ჩვენსას. გაწბილებული იმით რომ ტყუილზე დავიჭირეთ, მან

ჩაბლოს პრობლემა სასწრაფოდ უნდა გადაიჭრას. გასწრაფოდ გამოიწვევს ომის შემდგომ ესკაციას ოსებსა და ქართველებს შორის. პრობლემა უნდა გადაწყდეს სამართლიანად ერთხელ და სამუდამოდ. ეს რომ ასე მოხდეს, საჭიროა კონფლიქტის წარმომშობი მიზეზების ცოდნა, ეს მიზეზები ზემოთ უკვე აღვნიშნეთ. იმის მცდელობა, რომ ამ კონფლიქტის წარმოქმნა გადაბრალებდეს ერთ ბიროვნებას ან მთელ ქართველ ერს, წარმოადგენს პრობლემის მიფუჩეჩების, მიჩქმავლის და დაკონსერვების ცდას. ეს არ უნდა აწყობდეს არც ოსებს და არც ქართველებს. ბოლოსდაბოლოს ხომ ადამიანები ვართ და არა ცხოველები: როცა დასჭირდებათ გადაგვიდონ ერთმანეთს, ხოლო როცა მოისურვებენ, ბოსელში შეგვრეკონ და გვიბრძანონ: „შერიგდით, რადგან მე დღეს უკვე ასე მჭირდებაო“!

ქართული მხარე მზად არის მშვიდობიანი გზით გადაწყდეს ეს კონფლიქტი, ოღონდ, თუ მტკიცედ შესრულდება შემდეგი მისი მოთხოვნები:

1. მოლაპარაკებაში არ უნდა ჩაერთოს მესამე ძალა — რუსეთის წარმომადგენლები.
  2. სასწრაფოდ გავიდნენ რუსეთის ჯარები სამაჩაბლოდან.
  3. დაჩქარდეს ლტოლვილთა დაბრუნება თავიანთ ფუძეებზე.
  4. არავითარი ლაპარაკი არ უნდა იყოს ოლქის აღდგენაზე.
- რაც შეეხება კულტურულ ავტონომიას, ის ოსებს საქართველოში გააჩნიათ და ყოველთვის ექნებათ შესაბამისი გარანტიებიც.
- განსაკუთრებით უნდა დაჩქარდეს ლტოლვილთა დაბრუნება თავიანთ მიწა-წყალზე. დღეისთვის, როგორც ქართველ, ისე ოს ლტოლვილთა მდგომარეობა — კატასტროფულია. თუ ისინი გაზაფხულისთვის ვერ შევლენ და ვერ დაამუშავებენ მიწას, მაშინ მათ არავითარი საარსებო წყარო არ ექნებათ.
- ეს უნდა გაითვალისწინოს ყველამ, ქართველმაც და ოსმაც. მართალია, რუსის ჯარი კვლავ განაგრძობს დესტაბილიზაციის პროცესს საქართველოში, მაგრამ არიან საღად მოაზროვნე ადამიანები როგორც ქართველებს, ისევე ოსებს შორის, რომლებიც იმედს გვაძლევენ, რომ პრობლემა ბოლოსდაბოლოს დადებითად გადაწყდება.
- კვლავ გვინდა გავიმეოროთ: პრობლემის უმოკლესი გზაა, რუსის ჯარის გასვლა სამაჩაბლოდან. ჩვენამდე მოაღწია იმ აზრმა, თითქოს რუსის ჯარის გასვლა მორიგ შეტაკებებს გამოიწვევს ქართველებსა და ოსებს შორის. ეს არ არის მართალი.
- ოსი „ბოვეციკები“ ჯარის გასვლასთან ერთად იქაურობას მოსცილდებიან, ხოლო მშვიდობიანი ოსი მოსახლეობა თავადაც ნატრობს ამ „ბოვეციკებისაგან“ მოსვენებას. ჩვენ ვილასთან გვექნება საბრძოლო ასეთ შემთხვევაში?

# საშინელი და მხარე ამბებში სამაჩაბლოდან

მოსული მოხალისეები და სამხედრო პირები. მათ თითქმის განუწყვეტლოვ ცეცხლის ქვეშ ჰყავდათ მეზობლად მდებარე ქარელის რაიონის სოფლებიც: ავლევი, ატოცი, კოდა და სხვა.

რუსებსა და ოსებს შემუშავებული ჰქონდათ ქართული სოფლების აოხრებისა და იქიდან ქართველების გამოძევების შემდეგ გეგმა: სოფელს რუსის ჯარის ნაწილები სამხედრო ტექნიკით შემოარტყამდნენ ალყას, აწარმოებდნენ მოსახლეობის ჩხრეკას და იარაღის ამოღებას. ამის შემდეგ ისინი გადიოდნენ აღნიშნული სოფლიდან, ნიშანს აძლევდნენ შორიხლოს მყოფ ოს „ბოვეციკებს“, რომლებიც აწიოკებდნენ აბსოლუტურად დაუცველ სოფლებს.

მაგალითად, 1991 წლის 10 აპრილს, დღის 6 საათზე სოფ. ოქონაში მყოფ მილიციის საგულშაგოს თავს დაესხა კბილებამდე შეიარაღებული რუსი ჯარისკაცები 6 ჯავშანტრანსპორტიორით და 3 მვეულფრენით. მათ ალყა შემოარტყეს სოფელს, განაიარაღეს მილიციის მუშაკები, მათ შორის შინაგან საქმეთა ყორნისის რაიგანყოფილების უფროსი იასონ რაჭველიშვილი, რომელმაც შესძლო თავის დაღწევა, ხოლო დანარჩენი 21 თანამშრომელი ტყვედ აიყვანეს. სოფლიდან გაოსვლისას სამხედროებმა ნიშანი მისცეს ჩასაფრებულ ოსებს, რომლებიც შეიარაღებულნი შემოიჭრნენ სოფელში და სასტიკი ამბები ჩაიდინეს: მოკლეს ორი კაცი, გადაწვეს რამოდენიმე საცხოვრებელი სახლი, აბსოლუტურად ყველა ოჯახი გა-

შემოიჭრნენ ჯავშანტრანსპორტიორები. ამ დროს სოფლები მიცვალებულის ცხედარს სასაფლაოსკენ მიაცილებდნენ. რუსებმა ხალხს ალყა შემოარტყეს. ერთ-ერთი ჯავშანტრანსპორტიორიდან გადმოვიდა გაღვივებული კაპიტანი და ხალხს ლანძღვა-გინება დაუწყო. ჯავშანმანქანა ისე ახლოს მივიდა ხალხთან, რომ გამსვენებლებს შიშისაგან ხელიდან გაუვარდათ ცხედარი. ოფიცერი უბრძანა ჯარისკაცებს — „ცეცხლიო“, თან თვალი ჩაუკრა. ჯარისკაცებმა ჰაერში დაიწყეს სროლა. შემდეგ ოფიცერი თითო დაემუქრა სოფლებს, ჩაჯდა ჯავშანტრანსპორტიორში და უკან გაბრუნდა. წასვლისას კიდევ დიდხანს ისროდნენ. ნასროლმა ტყვიამ განგმირა ქართველი ვაჟკაცი თემურ იარღანაშვილი, რომელიც ცხედარს მიაცილებდა. მიცვალებულის სულის მოსახსენებლად გაშლილი სუფრა დაარბიეს... შემდეგ ორი ბავშვი გაიტაცეს საწამებლად და, ცხადია, ფულის გამოსაძალად. მოსახლეობას სხვა აღარაფერი დარჩენოდა — უიარაღო ქალი და კაცი „ბეტეერებს“ დაუწვა წინ და ბავშვები ამით გადაარჩინეს.

კიდევ ერთი მაგალითი. 1991 წლის შემოდგომაზე ფრონის ხეობის რამდენიმე წარმომადგენელმა თხოვნით მიემართეთ ცხინვალში დისლოცირებული შინაგანი ჯარების სარდალს, პოლკოვნიკ გორგოლავს, რათა დახმარება გაეწია, რომ ქართველი ლტოლვილები ქართულ სოფლებში დაგვებრუნებინა. საუბარი მიმდინარეობდა სოფ. მეღვრეისში

წყენით გვიფხრა, „რა გიყოთ, ზემოდან ნაბრძანები გვაქვს ოსებს გავუწიოთ დახმარება. ასე რომ, ნურაფრის ილუზიები ნუ გექნებათო.“

სამაჩაბლოელი ქართველები განცვიფრებული არიან ბატონ თენგიზ ეპიტაშვილის არა ერთი განცხადებით იმის თაობაზე, რომ მას ცხინვალში დისლოცირებულ რუსის ჯარის ნაწილებში თავისი „ავღანელი ძმაკაცები“ ჰყავს და რასაც უნდა, იმას აკეთებინებს ქართველების სასარგებლოდ. თურმე ნუ იტყვი და მოსკოვიდანაც კი სპეციალურად აგზავნიან იმის ნაცნობ ოფიცრებს. სამაჩაბლოს ქართველები არ არიან უმადურნი. ჩვენ ვიცით სიცოცხლის ფასი. ჩვენს გულებში სამუდამოდ დარჩებიან ამ მიწა-წყლის დაცვისათვის დაღუპულ გმირთა სახელები. არავის დაუვარავთ ამას, ვინც ამ გაჭირვების დროს დახმარების ხელი გამოგვიწოდა. მაგრამ არ შეიძლება წამდაუწუმ შეახსენო ადამიანს, რომ მისთვის რაღაცას აკეთებ. ეს უკვე დავედრებოდა. მითუმეტეს, რომ პრობლემების უდიდესი ნაწილი ზუსტად ისევე წყდება, როგორც ზემოაღნიშნულ პოლკოვნიკ გორგოლავის შემთხვევაში. რუსეთის არმია საქართველოში არის საოკუპაციო არმია. ის შემოსულია იმისთვის, რომ მოსკოვის მზაკრული დავალები შესრულოს და ამ მისიას იგი არასოდეს გადაუხვევს. დღეს სიტუაცია მთელს სამაჩაბლოში უაღრესად დაძაბულია. როგორც ჩანს მოსკოვმა ბოლომდე ვერ კიდევ ვერ განახორციელა თავისი გეგმები. სამა-



რუსლან მიქაბერიძე:

# რას უნდა გავაკრი დაგვიკრან ტაში...

— თქვენი აზრით, რამ გამოიწვია დემოკრატიული რევოლუცია, რამ მიგვიყვანა აქამდე?

— ამ ამბებამდე, ჩემი აზრით, მიგვიყვანა ჩვენმა პოლიტიკურმა უწიგნურობამ, ჩვენი ზნეობის დღევანდელმა მდგომარეობამ, რაც ძალიან ოსტატურად გამოიყენეს სპეცსამსახურებმა, მოსკოვმა და მდროვე ნადირალებმა... ყველა შემოთქმული ფაქტორი იყო მიზეზი, რომ ჩვენ დროზე ვერ გამოვიცანით, რა ძალა დაასვენ თავზე ეროვნულ მოძრაობას: რაც შეეხება მომხდარი ამბების ტექნიკურ მხარეს, გამსახურების რეჟიმმა შანსი არ დაუტოვა ოპოზიციას, რომ მშვიდობიანი გზით გაეგრძელებინა ბრძოლა. რამდენი ათასი კაციც არ უნდა მიღგომოდა მთავრობის სასახლეს, იმავე წესით გაფანტავდნენ, და მრბევეები დარბევის გემოს კიდევ უფრო გაუგებდნენ, „მოყოყმანე ფენების“ ნაწილიც მთლიანად დიქტატორის მხარეზე გადავიდოდა და ჩვენ აქ რამდენიმე ათეული წლით საკუთარ „ენვერ ხოჯას“ ვიყოლებდით. ეს ტრაგედია ალბათ იმანაც გამოიწვია, რომ ჩვენი სახელმწიფოებრივი გამთლიანება, რაც ყველაზე მთავარია, ჩვენს გონებაში არ მოხდა, არ დაგვცალდა ეს ისტორიულად და ესეც ოსტატურად გამოიყენეს ჩვენმა მტრებმა.

— ზოგიერთი წერს, რომ მიუხედავად ეროვნული მოძრაობის ერთი შეხედვით დიდი აქტიურობისა, მნიშვნელოვანი არაფერი მომხდარა, სადაც ვიყავით, ისევე იქ ვართ. თქვენ რას იტყვით?

— ამჟამად ძალიან ოსტატურად დაეგმილი, თუ შეიძლება ასე ითქვას, სამუშაო ტარდება ეროვნული მოძრაობის დისკრედიტიზაციისთვის, დაღვრილი სისხლის გაუფასურებასთვის. თავი წამოყვეს იმ ფენებმა, რომლებიც ან სრულად არაფერს აკეთებდნენ იმ დროს, ანდა მტრობდნენ ეროვნულ მოძრაობას. ეს რომ მხოლოდ პოლიტიკური ინტრიგა იყოს, კიდევ ჯანდაბას, მაგრამ, ჩემი აზრით, აქ ხდება ძალიან მძიმე დანაშაული — უნდათ პატრიოტებში ჩაკლან თავდადება, თავგანწირვა, თუნდაც სამშობლოსათვის ჯვარცმის სურვილი. ამასთან დაკავშირებ-

ბით ერთ ჩემს ბოლოდროინდელ ბაროდის შემოგთავაზებთ:

## სისულელი სისულელები

(ბატონ გაიოზ ერადეს) საერთოდ რომ არ ვფიქრობდი ბაროდების წერაზე, იმ დროს გამოჩნდა ეკრანზე ვინმე გაიოზ ერადე. პოლიტიკური მისინობის თანდაყოლილი ტალანტით, დაუჭერ-გაულახველი და არც ნაკვები „ბალანდით“. მოკლეშარლოანი იდეებს დასცხო, წარბი არ შეხრია. ალერგიული მოჩინდა (პარტიებისგან შეყრია). დამეთანხმებით ამაში არის რადიკის სურნელი, ამ დღეში მყოფს რომ გონია ყველა მის ირგვლივ სულელი. ფუჭი ყოფილა ოცნება თავისუფლების ერაზე, ვიდრე ნებათუას არ მოგვექმს წინასწარმეტყველი ერაძე-ყურს ნუ დაუგდებთ ლიდერებს, არც გინდათ პოლიტ-პარტია, აიღეთ ამ მოქალაქის 88 წლის სტატია და იქ შეიტყობთ, რომ თურმე, როცა „კავშირი“ იწვოდა, რის შემდეგ რა მოხდებოდა, ამ კაცმა უკვე იცოდა. (ოღონდ ვინ უთხრა, არ ამბობს,

გულწაბრობილი კაცია, ანდა ვინც უთხრა, ეტყობა, აქვს ცუდი რეპუტაცია). ხოლო ვინც მტრებმა დაჩეხეს, ვინც სამშობლოდ სხდებოდა, სუყველა უჭკუო იყო, მის გარდა ყველა ცდებოდა და აწი მთინც თუ ვინმართ მეთოდს ამ ყოვლის მცოდნესი, არც სისხლი დაგვიკრდება და არც თავდადება ცოტნესი. დაველოდებთ პროცესებს რუსეთ-თურქმენეთ-ლოტვიაში, ამ ვადას გამოვიყენებთ ერაძის სიბრძნის კოთხეში. ამასობაში „გიჟ ხალხებს“ ბომბებს და ტყვიებს მისცხებენ, „ჭკვიან ხალხებს“ კი ისედაც თავისუფლებას მისცემენ. ესაა აზრი ერაძის კოკასა შოგან ჩახხუელი, ცუკას და სუკ-ის დოქტორინა ახალ სამოსში ჩაცმული. მე კი მგონია მიზეზი

ჩვენში სისხლის ღვრის, სიმბეცის

ბრაღია უზნეობის და პოლიტიკური სიბეცის. დღეს ბევრი გააქტურდა გუმინ ბუჩქების ხიზანი, ძალიან უსუფთაო ჩანს მათი აზრების მიზანი. უნდათ, ის რაც თავს გადაგვხდა ისეთნაირად დამრგვალდეს, რომ ზოგ-ზოგების სიბილწე მთელ მოძრაობას დაბრალდეს. აქტუკენ არი გათვლილი მხამის ახალი დოზები, „უსისხლო თეორიები“ და ბრძენკაკცული პოზები. მაგრამ უკვალოდ არ ქრება ამბები გასაოცარი, აპრილის დამის კვიღოში სისხლი ქვებს დანახოცები და თუ კვლავ ფეხზე ადგება ქვეყანა დანაშოცები, ომს მერაბები იზამენ და არა გაიოზები.

— რას გვეტყვით ედუარდ შევარდნაძის შესახებ?

— როდესაც შევარდნაძეზე საუბრობენ, მე ასეთი აზრი მებადება... მისი ბიოგრაფიის წინა პერიოდზე არაფერს ვიტყვი, ყველასთვის ცნობილია... მაგრამ რადგანაც ადამიანი თავისი ცხოვრების სხვადასხვა მონაკვეთში ისე იცვლება, როგორც სხვა ყველაფერი ამქვეყნიან, და თუ ამ შეცვლილ შევარდნაძეს მონანიების, სამშობლოსათვის მოხმარების დრო დაუდგება (რამდენად გულწრფელია ეს სურვილი, დრო გამოაჩენს), არ მესმის, რატომ უნდა ვკრათ ხელი. არ ვიცი, რამდენად ამხსნელი პარალელია, მაგრამ ომის დამთავრების შემდეგ ებრაელებმა გერმანელებს ჯარი გააწვრთნენ... და ეს კაცი ხომ ჩვენი თვისტომია...

— პოლიტიკური გარემო ბევრმა სახელის საშოვნელ არენად აქცია და ყველანაირი, მათ შორის უზნეო მეთოდებითაც დაიწყო ქულების დაგროვება... ამაზე რას გვეტყვით?

— ხელოვნურად ზნეობრივი ადამიანების მოყვანა პოლიტიკაში შეუძლებელია. როდესაც მონობაში დიდხანს ნაცხოვრები ჩვენი ხალხი პოლიტიკურად მოითელება, უზნეო პოლიტიკოსებს თავისთავად ყავლი გაუვით. ამიტომ ისინი ჯერ-ჯერობით იბოგინებენ ქარულ პოლიტიკაში და დემოკრატია სწორედ იმას

ნიშნავს, რომ ყოველდღე და ყოველგან ვამხილოთ ისინი და, პატიოსან და წიგნიერ პოლიტიკოსებს მივცეთ ჩვენი ხმა და არა უბრალოდ „ცნობილ პიროვნებებს“.

— რას ფიქრობთ საქართველოს სახელმწიფოებრივი მოწყობის კონსტიტუციური მონარქიის იდეაზე?

— მე საკმაოდ სიმპატიურად ვარ განწყობილი მონარქისტული იდეის მიმართ, მაგრამ რაც ამ მოკლე პერიოდში ჩვენ თავს გადაგვხდა და მე რაც ვნახე, მაფიქრებინა, რომ ჩვენთვის დღეს შეე ნაადრეგია. მეფეს დამსახურება უნდა, მეფე უნდა დავიმსახუროთ. მე მეშინია, რომ დღევანდელი ჩვენი ცნობიერებისა და ზერეულ რელიგიურობის დონეზე ახალი ფეტიში არ შევქმნათ და ქვეყანა ახალმა ფსიქოზმა არ მოიცვას. მოდი, ჩვენ ჯერ დემოკრატიული სტრუქტურები დავამკვიდროთ, ფიზიკური შიმშილი დავიციხოთ და როდესაც სულიერი სიმალეები მოგწყურდება, მერე ვფიქროთ მონარქზე, რომელიც თავს მოუყრის ჩვენს ისტორიულ, სოციალურ და პოლიტიკურ ავლა-დიდებას. ეს ყველაფერი უნდა მოხდეს იმის შემდეგ, როცა ხალხის გრძობა — გონებაში ხელახლა აღდგება (თუ აღდგა) მეფობის იდეა მთელი თავის სიღრმით. ჩვენი ხალხის ფსიქიკას თუ გავითვალისწინებთ, იგი უფლებობ, სიმბოლურ მეფეს არაფრად ჩაადგებს, ხოლო თუ უფლებები უნდა მივცეთ, მაშინ რამდენი უნდა მივცეთ, რომ მოკლე ხანში ის დიქტატორად არ გადაიქცეს. ამას ისტორიკოსების, სოციოლოგების, პოლიტოლოგების ღრმა განსჯა ჭირდება, და ამასთანავე სრულიად საქართველოს მოსახლეობის გამოკითხვა. იმეტომ, რომ აქ მეფის ბევრმა არაქართულმა ქვემეცრულმა უნდა იცხოვროს და ამ ფაქტორს დაუყოვნებლივ გამოიყენებს ჩვენი ჩრდილოელი მეზობელი, რომელიც არსად არ წასულა და თავს ჯანმარად გრძობს, ოღონდ კონსტიტუციის გამოიცივალა.

— როგორ უნდა მოვაგვაროთ ჩვენი პრობლემები სამაჩაბლოსთან და აფხაზეთთან?

— ჩვენ მივჩვიეთ პოლიტიკური საკითხების სამიტინგო

დონეზე მოგვარებასა და ამ მეთოდის შედეგი სახეზე გვაქვს აფხაზეთშიც და შიდა ქართლშიც. საერთოდ, პოლიტიკაში არსებობს დღესაკეთებელი, ზვალსაკეთებელი და ჩვენ თუ არ ვისწავლეთ თუნდაც ასი წლის შემდეგ გასაკეთებელი საქმის დღეს ვათვლა, რა მოვითმინოთ დღეს, რა დავთმოთ, რომ საქართველოში კვლავ მობრუნდეს ერთაშორის დამოკიდებულების მაღალი კულტურა, რომელიც ჩვენს ხალხს რუსი დამპყრობლების მოსვლამდე აშკარად გააჩნდა და მთელი მომდევნო ზოცვა-ჟღერა სხვა არაფერია, თუ არა ოსტატურად ჩაფიქრებული და განხორციელებული პოლიტიკური დრამა, — ჩვენ წავაგებთ, წავაგებთ უფრო მეტს, ვიდრე დღემდე წავაგებთ. იმიტომ, რომ ხშირად, პოლიტიკური საკითხების გადაწყვეტისას კერძო ინიციატივით, საერთო კონცეფციის გამოუმუშავების გარეშე, პატარა-პატარა ჯგუფები მოქმედებენ და ხშირად ძალიან ბეცად, რაც უფრო ართულებს საქმეს. არ შეიძლება ტელევიზიით მოსახლეობის სხვადასხვა ჯგუფის გამოყვანა და ამ გაუბედურებული ხალხის ემოციებით ზეგავლენისა მოხდენა პოლიტიკური გეზის შემუშავებაზე. ხშირად ილუზორული მოგება ან დროშის აღმართვისას ანდა მიტინგის ჩატარებისას დიდ დარტყმად უბრუნდება მთელ ამ დიპლომატიურ ძალისხმევას. ასეთი საქმეები კრისტალ-კრისტალ კეთდება და მას კომპეტენცია და დიდი მოთმინება სჭირდება. ჩვენს მეფეებს რომ სწორხაზოვნად ეაზროვნათ და ემოქმედათ, ახლა ჩვენი სახსენებელი არ იქნებოდა. ჩვენ გვიწევდა და მომავალშიც მოგვიწევდა რთულ გარემოცვაში ცხოვრება და ისტორიის ლელოს მხოლოდ გონიერებით, სწორი დიპლომატიური აზროვნებით გავიტანთ.

— წინა ხელისუფლების ზეობისას ჩვენი ქვეყნის პოლიტიკური ორიენტაცია მეთორმეტე საუკუნის ჟამინდელ სააზროვნო მოდელს ვერ გასცდა — ვგულისხმობ წარმართული და ქრისტიანული კონცეფციის სინთეზს, ად-

(დასასრული მე-8 გვ.)

# რას უნდა გავხადოთ...

(დასაწყისი მე-7 გვ.)

მოსავლეთის და დასავლეთის შე-  
რწყმას, ახლა ხაით უნდა წავი-  
დეთ?

— დაშტამპული აზროვნება  
ხელოვნებაშიც და პოლიტიკა-  
შიც კრახის გარანტიაა. დღეს  
რომ კაცი ისევ საქართველოს  
ძველი მისიით ანდა „ნიკოფსიი-  
დან დარუბანდამდე“ ფორმუ-  
ლით ხელმძღვანელობს, მაპატი-  
ეთ და, რბილად რომ ვთქვათ,  
დროს ძალიან ჩამორჩება. დავა-  
ვირდეთ, რა ორიენტაცია აქვთ  
იპოვნელებს, თურქებს და მიხვ-  
დებით, რომ ერთი მუდმივი,  
„მყარი“ ორიენტაცია გონების  
არაელასტიურობის ნიშანია.  
რატომღაც გამახსენდა ერთი პა-  
საყი გრ. რობაქიძის „გველის პე-  
რანგინი“ თბილისზე ტორტმა-  
ნობს ზომილი — ქალაქი. წაი-  
წვეს ევროპისკენ და მოქაჩავს  
აზია. მე მგონია, ჩვენ არც „ევ-  
როპელები“ ვართ და არც „აზიე-  
ლები“.

ღვთისა და ისტორიის ნებით  
ჩვენ ორივე გავლენა განვიცა-  
დეთ, ეს ასახულია ჩვენს კულ-  
ტურაში, ლიტერატურაში, ლე-  
ქსიკაში. მაგრამ ეს სულაც არ  
აქვალდებულებს პოლიტიკაში  
ერთი რომელიმე „მარტორკუ-  
ლი“ მიმართულება ავირჩიოთ  
და კისრის მოტეხვამდე იქით ვი-  
რბინოთ. მსოფლიო გლობა-  
ლური პოლიტიკის მიხედვით  
აქცენტი იქით უნდა გადავიტო-  
თო, საიდანაც ჩვენი ქვეყნისათ-  
ვის სასიკეთო სიო დაუბერავს.

ასე იქცეოდა საქართველოს ყვე-  
ლა გონიერი მიმართული. აქვე  
დაეძინა ერთი „მიმართულებით“  
შეპყრობილი ხალხის ბრბოდ გა-  
დაქცევა უფრო ადვილია და ამ  
მეთოდს წარმატებით იყენებენ  
დიქტატორები. ჩვენ ხომ ხან „ქე-  
მალისტურ თურქეთს“ ვებრძო-  
დით და ხანაც „მოსკოვის აგენტ“  
ბუშს, იმიტომ ვართ ჯერ-ჯერო-  
ბით ამ დღეში.

— უოფილი პრეზიდენტის  
მარდამჭერთა გამო რას ფიქრობთ,  
როგორ უნდა მოვავლოთ მათ-  
თან ურთიერთობა დანარჩენებმა?

— იმის იმედი, რომ კერბთა-  
ყვანისმცემლები თვისობრივად  
უცებ შეიცვლებიან, მე, რა თქმა  
უნდა, არა მაქვს. იმიტომ, რომ ამ  
დაავადების სათავეები შორიდან  
მოდის. აქ ხალხი კი არ ტყუის,  
არამედ ის, ვინც ხალხს ეს დაავა-  
დება შეპყარა. ძალიან შეურაც-  
პყოფად მიიჩნევენ სიტყვა  
„ბრბოს“, მაგრამ აბა გავიხსე-  
ნოთ, რომ ბრბოს მდგომარეო-  
ბაში აღმოჩნდა ისეთი მაღალი  
ცივილიზაციის მქონე, შრომის  
მოყვარე ხალხი, როგორიც გერ-  
მანელები არიან. აგერ სულ ახ-  
ლახანს, ინგლისისა და ბელგიის  
საფეხბურთო მატჩის დროს კლ-  
ლშემატკიცებმა 122 კაცი იმსხ-  
ვერბლეს. ე. ი. ამ დაავადებას გე-  
ოგრაფია არა აქვს. ღვთაებრივი  
და სატანური ადამიანში მჭრა-  
დიულად იბრძვის. და როგორც  
კი ადამიანი ღმერთსა და ეშმაკს  
შორის ჩააყენებს ან პრეზიდენ-

ტს, ან ფიურერს ან მარადო-  
ნას, აუცილებლად სატანას გაა-  
ხარებს. აი, ეს დაგვემართა ჩვენ.  
და ქართველი კაცისათვის დამა-  
ხასიათებელი სიამაყის(რომელ-  
საც, ჩემის აზრით, საფუძველი  
საკმაოდ გამოცლილი აქვს) გამო,  
ახლა შეცდომების აღიარება  
გვიჭირს და ინერციით ვაგრძე-  
ლებთ დამუბეულ დაპირისპირე-  
ბას. ჩვენ ერთად უნდა ვიპოვოთ  
დაავადების გამომწვევი მიზეზე-  
ბი და ერთადვე ვუმკურნალოთ.  
სხვა გზა ჯოჯოხეთისკენ მიდის.  
ჩვენი დაპირისპირების მიზეზი,  
რაც მთავარია, მარტო პოლიტი-  
კაში არ ძვეს. ჩვენდა სამარცხი-  
ნოთ ჯერ კიდევ კუთხური და-  
პირისპირების უბედურებაც  
გვჭირს. და რაც მოხდა, ის უნია-  
დაგოდ არ მომხდარა. ექს-პრე-  
ზიდენტმა მოახერხა, როგორც  
მისმა ბოლშევიკმა წინამორბე-  
დებმა, მუშისა და გლეხისათვის  
ინტელიგენტი შეეძულებინა,  
სოფელისათვის ქალაქელი და  
ერთი კუთხის შვილისათვის მეო-  
რე. აი, ამას უნდა შევლა პირველ  
რიგში. თითქოს ყველამ იცის,  
რომ ჩვენ დედა-საქართველოს  
შვილები ვართ, რომ მიტყუება  
საჭირო, მაგრამ ამის მაგალითი,  
სამწუხაროდ, ცოტაა. და საუ-  
ბედურად, როცა სასწორის პი-  
ნებზე იდგება თანამდებობა და  
საქართველო, უმრავლეს შემთ-  
ხვევაში თანამდებობა და გამო-  
რჩენა გადაწონის ხოლმე. აი,  
ამას უნდა ვეომოთ ჩვენ პირ-  
ველ რიგში და ვერავი გვაიძუ-  
ლებს ერთმანეთს ვესროლოთ.

— თავისუფალია თუ არა  
დღეს პრესა და ტელევიზია?

— პრესა და ტელევიზია

ერთბამად თავისუფალი ვერ გა-  
ხდება. თუნდაც იმიტომ, რომ ამ-  
ჟამად სამხედრო მდგომარეობაა.  
მაგრამ აკრძალვის სრულიად მო-  
ხსნის შემდეგაც კონსტიტუცი-  
ური აზროვნების ინერცია ვაგრ-  
ძელდება. რადგან თავისუფლად  
წერას და აზროვნებას სწავლა  
ჭირდება და მას სრულფასოვნად  
რეალურად თავისუფალ საქარ-  
თველოში მცხოვრები მთავრობა  
შეძლებს. მე მხოლოდ პროფესი-  
ული დონის აბაღლებას არ ვგუ-  
ლისხმობ, არამედ გაბედულების  
სწავლასაც. ჟურნალისტური სი-  
მამცე ყველაზე დემოკრატიულ  
ქვეყანაშიც კი ძნელი, სახი-  
ფათო საქმეა. ჩვენ კი ჯერ-ჯე-  
რობით რანი ვართ დემოკრა-  
ტიის თვალსაზრისით კარგად  
მოგესვენებათ.

— ეს მასიური ეკონომი-  
ური სიღუბეა, როგორ  
გგონიათ ამ მთავრობის ბრა-  
ლია თუ სამოცდაათწლიანი  
ტოტალიტარული რეჟიმის  
აუცილებელი შემკვიდრეო-  
ბაა?

— ის სოციალური კონფუ-  
ლსია, რაც ამჟამად ჩვენ  
გვჭირს, ყველა ქვეყანამ გაიარა.  
და თუ ჩვენ ამ ავადმყოფობას  
მოთმინებით გადავიტანთ, მოვ-  
რჩებით. ხოლო თუ ამ სოცია-  
ლურ უბედურებას პოლიტიკუ-  
რი კაპიტალის დასაგროვებლად  
გამოიყენებენ უპატიოსნო ჯგუ-  
ფები და ადამიანები, „სიციხე“  
კიდევ უფრო აგვიწვეს, მერე  
ბოდაზე გადავალთ და შეიძ-  
ლება გარდავიცვალოთ კიდე-  
ც ანდა იმ გლობალური კატაკლ-  
ზმებიდან ყველაზე კომპრო-  
სული პირობებით თანამეგობ-

რობის მოჭამაგირებლად დავი-  
ჩეთ.

— რას აპირებთ სამომავ-  
ლოდ — მსახიობობას, კრიტიკულ  
მისტობას თუ პოლიტიკურ  
რომელი მიგაჩნიათ თქვენს მო-  
წოდებად?

— მე გულწრფელად მეგო-  
ნა, რომ საქართველოს განთა-  
ვისუფლებაში ვმონაწილეობ-  
დი, როცა რალაც-რალაცებ-  
ში გავერკვიე, მიხვდი, რომ მე  
და ჩემნაირები დიდი გლობა-  
ლური დრამის ვულურყვილო  
მონაწილეები ვიყავით მხო-  
ლოდ. არ ვნანობ, იმიტომ,  
რომ ჩემს წილ საკეთებელს მე  
ყოველგვარი პოლიტიკური ან-  
გარების გარეშე ვაკეთებდი.  
რაც შეეხება ჩემს ეპიგრაფებს  
— ეს მელექსის შეხედულებე-  
ბია პოლიტიკაზე. თუ საქარ-  
თველო გააგრძელებს ჭეშმარი-  
ტი დამოუკიდებლობისათვის  
ბრძოლას, მე მასში მონაწი-  
ლეობას კვლავაც მივიღებ. ჩე-  
მი ძირითადი პროფესია მსახი-  
ობობაა და თუ ქვეყანას ჩემი  
რიგითი ჯარისკაცობა აღარ  
დაჭირდება, ამ, სიმართლე გი-  
თხრათ, მძიმე და ჩემთვის მტა-  
ნჯველ საქმეში, ისევ ჩემს პრო-  
ფესიას მივუბრუნდები. ჩემი  
დღეები იყო და რჩება:

„რაც უნდა ბევრი დაგიკრან  
ტაში  
ასწი-დასწიონ ხშირ-ხშირად  
ფარდა,  
არა ხარ კაცი, თუ არ გაღელ-  
ვებს  
სხვა სატყვიარი როლები გა-  
რდა“.

ესაუბრა  
ლუპა ვარაზაშვილი

# ვინ იღვამს თავზე ეკლის გვირგვინს გვირგვინს?

ვინ იღვამს თავზე ეკლის გვირგვინს?  
ვინ მენაგეა?  
იმისი ნაღვი სად დატურავს ან სად აბია?  
იგი ჩვენს ნაღვი როდის იჯდა?  
და თუკი იჯდა,  
თუ გარჯილა და ნაღვი წყალი თუ უხაბია?

სად იყო მაშინ, როცა ხეზე ავიდა ფითრი?  
რად მივანნივართ ყველა ბრყველად?  
ვინ იღვამს თავზე ეკლის გვირგვინს?  
ის ხომ არ არის,  
მისი სიმძიმით ვინც უთუოდ მოიდრიკება?

თუ მატინის ფოლიანტზე არ გაიჭყლიტა,  
რა ქნა ისეთი, რომ იმისთვის სხვა რამ მცირა?  
ო, ეკლის გვირგვინს იქნებ იგი ეპოტინება,  
ვინც ხალხს ზეარაკად ვერასოდეს შეეწირება?

ის ხომ არ იღვამს ეკლის გვირგვინს,  
ვინც სხვებს ზევიდან  
ისე დაპყურებს, როგორც თავუნებს?  
ვისაც ჰგონია, რომ საქართველო  
მისი რჩეული სიყვარულის ღირსია მხოლოდ  
და გულზე ხელებს ვინც იბრაგუნებს?

მამულს თავისი სიყვარული რომ უწყალობა,  
ჩვენ მადლობლები უნდა ვიყოთ...  
არა ჰყოლია  
უფრო ერთგული შვილი მამულს და მას ეკუთვნის  
მხოლოდ სამშობლოს სიყვარულის მონობოლია.

ის ხომ არ იღვამს ეკლის გვირგვინს, ვისი მახვილიც  
უგნურება და უმეცრება არის რევენთა?  
ვისაც ჰგონია, რომ ამაგი არ დაუფასეს  
და ვისაც უნდა მის გარშემო შექმნას ლეგენდა?

სად არის მისი აგებული სვეტიცხოველი?  
თავანისცემით გაბერილმა პარანოიკმა  
გულუბრყვილონი როგორ უნდა დაიმორჩილოს,  
რომ განდიდების წყურვილი და ღინი მოიკლას?

ო, ნუთუ იგი იმ იმედით დაიარება,  
რომ გაჩუმდება და არავინ არაფერს იტყვის?  
ვინც არის — მეთქი მხოლოდ სახელს დახარბებული,  
ის ხომ არ იღვამს წამებულის ეკლიან გვირგვინს?

ვინ ცდილობს ხალხი შეცდომაში რომ შეიყვანოს?  
ვით შეიფერებს ეკლის გვირგვინს თავი სახედრის?

ამ ქვეყანაზე თავის ფუსფუსს,  
თავის ლოლიას,  
თავის უბადრუკ არსებობას რატომ გვაყვედრის?

ის ხომ არ იღვამს ეკლის გვირგვინს, ვინც ქვეყანაზე  
დაბადებული არის მლიქვნელად?  
საითაც ქარი დაუბერავს, ვინც მხოლოდ იქით  
გადაყვლეფილი სინდისით გაღიზინდება?

ის ხომ არ იღვამს ეკლის გვირგვინს, ვინც კაცს გულგრილად  
გულს უხეთქავს და მერე უხდის საკადრის ქელენს?  
ო, ეკლის გვირგვინს ვისი ხელი ეპოტინება,  
რა უნდა მასთან ანგარებით დაკრუნხულ ხელებს?

ო, ვინც განცხრომას ვერასოდეს ვერ შეეღვეა,  
ტანჯვა არ იცის და ერთობა სხვებზე ქირქილით,  
ის ხომ არ არის?..  
დააკვირდით...  
ვის უნდა თავი,  
რომ დიმიშევერს წამებულის ეკლის გვირგვინით?..

გივი ბემაშვილი

1979 წელი

ინფორმაცია 66447

ფასი 2 მან.

რედაქციის მისამართი: თბილისი, ვაჟა-ფშაველას პრ. № 85 ტელ. 22-16-01  
გაზეთი იბეჭედა ოფსეტური წესით საბაჟეთო კორაჟსში, ხოზარაშვილის № 29.  
შემოსული გასაღები ავტორებს არ უბრუნდება.

რედაქტორი ნოდარ ბრიბაღვაშვილი